

Kategorie Literatur

3. Platz
Julia Magdalena Moser
ois nur theater

Titel

Bewerbung, Bewerbung, ois nur Theater ...ma verändert in Charakter, nur dass oan nema, ma schminkt si, ma pflegt seine hoa, hots amal gwaschen, hat amal a gwand an, des ned zrisen is und scho geht's dahi und ma wird a ondara Mensch, nur dass oan neman, durt, wo ma einglich ned sei mecht.

>> Sehr geehrte Damen und Herren,

ich habe erfahren, dass in ihrer außerordentlich gut betriebenen Firma eine PR-Managerin gesucht wird. Da ich bereits ausgezeichnete Erfolge in Rechnungswesen sowie BWL absolviert und Betriebserhaltungs-, sowie Deutscherweiterungskurse besucht habe, möchte ich mich hiermit bei Ihnen beim PR-Posten bewerben. Neben all den anderen guten Eigenschaften, lege ich außerdem besonders Wert auf ein gepflegtes Äußeres, vor allem achte ich stets auf ordentliche Kleidung, auf bis ins Kleinste geputzte sowie lackierte Fingernägel, saubere Zähne...<<

und des kumt zruck:

>>Sehr geehrte Frau Moser,

Ihre Bewerbung als PR-Managerin hat uns sehr beeindruckt. Uns scheint, Sie sind die richtige Person für diesen Posten. Ab 1. Oktober könnten Sie eingestellt werden,...<<

Und auf oamoal muast da was einfoin lossen, muast de gonzen Lügen vertuschen, muast zu der Person werden, ois derst di beworben host und du spüst mit und spüst de Rolle weita, mit derst ogfongt host und du trogst an Konflikt in dia, weil dei Äußeres si ned vasteht mit deina inneren Meinung, dass des olles a Schas is. Du fongst o, dir Gedanken zmochen, wost mochen sollst, weil des Getue allmählich dein Charakter verschmutzt und du ofongst, wos zwerden, wosd niemois sein wolltast. Und du unterstützt des Theater, du unterstützt des, dass sie olles ums Ausschaun und Leistung draht, bist übazeugt davo, dass des da richtige Weg is, wei du die Göd griagst, wosd brauchst, damitst übalebst. Weil fua Göd dat ma olles, ma losst si vom Geld leiten, ois wär ma nu in ana Diktatur. Nur wei ma des Göd braucht, nur wei si de Leit einbüd hom, se kenan de Wöd vabauen, jedes Sitckal Natur, und so olle ondan zwungen hom, mitzmochen. Und ma hot koa Wahl, wei ma nur no mit Göd des griagt, wos ma zum übaleben braucht.

Und dir is echt olles wurst, wovon du bis jetzt ima übazeugt woast, bis auf oamoi *Dusch* mocht, oisd da a Gschicht von ana unbedeutenden Person durchliest, die so nichtssagend und doch so beeinflussend woa, als wärs a Luftpumpe, de di vorm Ersticken bewart hot.:

>>Bewerbung, Bewerbung, ois nur Theater ...ma verändert in Charakter, nur dass oan nema, ma schminkt si, ma pflegt seine hoa, hots amal gwaschen...<<